

乘 異 記 誠齋雜記
異 林 志 怪 錄
快雪堂漫錄
前定錄補遺

奇聞類紀摘抄
與 物 傳



前
定
錄
補
遺

朱
佐
撰

中
華
書
局

叢書集成初編

乘 異 記（及其他七種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN 7-101-00894-1/K·367

前定錄補遺

此據百陵學山本
影印初編各叢書
僅有此本

前定錄補遺

武原少泉朱佐思忠

苗帝師

苗帝師困於名場一年似得復落第策蹇驢出都門
貰酒一壺藉草坐飲有老父坐其旁因揖敘以餘杯
飲老父曰郎君寧要知前事否耶苗曰某應舉已久
有一第乎曰大有事但更問苗曰某困於窮受一郡
寧可及乎曰更問上曰廉察乎曰更向上苗公乘酒
猛問曰特相乎老父曰真者卽不得假者卽得苗都
以爲恠誕揖之而去後果爲將相及天子昇遐攝位
三日

杜鴻漸

杜鴻漸父名鵬舉父子似兄弟名有由也鵬舉父嘗有所之見一大碑云宰相碑已作者金墮其字未作者刊名於上杜問曰有杜家兒否曰有任自看之記得姓下乃鳥偏旁曳脚忘其字遂名鵬舉謂曰汝不爲相卽世世名鳥旁曳脚也鵬舉生鴻漸果作相

鄭復禮

釋弘道居福千寺能前知河中鄭復禮始應進士舉十上不第扣之弘道曰君之成名其事有四一須國家改元第二年二須禮部侍郎再知貢舉三須第二

人姓張四同年有郭八郎四者如是賢弟姓三榜率同鄭疑而退長慶二年應舉不中直至改元寶曆二年新昌楊公再司文柄鄭果登第第二人姓張名知實同年郭八郎名言揚鄭奇嘆之曰弘道言三榜率同一已異矣况再乎至三年故尚書右丞鄭茹憲應舉至大和九舉敗於垂成直至改元開成二年高錯再司文柄茹憲果登上第第二人姓張名棠同年郭八郎名植私念曰兩榜無差矣又豈其然乎次年故附馬都尉鄭顯應舉至改元會昌二年禮部柳侍郎璟再司文柄顯以狀頭及第第二人姓張名潛同年

郭八郎名京三榜果無差焉

宇文融

永徽中盧齊卿暴死及蘇說見舅李某爲真司判官有吏押案曰宇文融合爲宰相舅曰又融豈堪作宰相吏曰天符已下日數多少由判官舅判一百日及拜相百日而罷

王處厚

釋僧緘俗姓王居淨衆寺有華陽王處厚者僞蜀落第入寺寫憂見緘緘曰得非王處厚乎處厚驚曰未嘗相狎何遽呼邪緘曰偶然耳處厚心知其異谷曰

和尚某身跡奚若絨曰子將來之事極於明年而今而後事可知矣意言蜀將亡也囑令勿洩一日絨於案頭拈文卷覽之則處厚府試賦稿曰考乎真偽非君燭下之文何多誑乎遂探懷袖賦稿示之此豈非程試之真本乎處厚驚悚不已乃曰僕後偶加潤色用補燭下倉率之過也師何從得是本乎絨曰非但一賦君平生所作者皆貯之矣明日訪之攜處厚入寺謁太尉幽公杜琮祠坐西廡下俄有數吏服色麗雜自堂宇間綴行而出降階再拜絨曰新官在此便可庭叅處厚惶懼而作絨曰此輩將爲君之驅策又

何懼乎寧知泰山舉君爲司命否仍以夙負壯圖未
酬前志請候登第後施行復檢官程簿見來春一榜
人數已定君亦預其間斯乃陰注陽受也策人世之
名食幽府之祿此陽注陰受也處厚震駭不知所裁
但問明年及第姓名緘索紙筆立書一短封與之誠
之嚴密藏之脫洩禍不旋踵至春試罷乃拆短封視
之但書四句云周成同成二王殊名王居一焉百日
爲程及榜出有八士也二王處厚與王慎言也王居
一焉惡其百日爲程處厚惟狎同年置酒高會是夜
暴亡驗其策名之榮止一百二十日

汪玉山

淳熙中汪玉山爲大宗伯知貢舉將就道有一友人平生極相得屢黜于禮部心甚念之乃以書約會于富陽一蕭寺與之對榻夜分密語曰此行必典貢舉兄可一就省試初場易義冒子中可用三古字以爲驗其人感喜玉山旣知貢舉授卷卷中果有用三古字遂徑批上置之前列及拆號非友人也竊恠之數日友人來見玉山怒責曰此必足下輕名重利售之它人何相負如此友人曰予以暴疾幾死不能就試何敢漏泄它人玉山終不釋未幾以古字得者來謁

玉山因問曰初場易義冒子中用三古字何也對曰
此事甚恠公問不敢不以實對啓行就試假宿富陽
某寺中與寺僧閒步廡下見一棺塵埃漶漫僧曰此
一官員女也殞此十年無人來取又不敢葬相與默
然嘆息是夕夢一女子行廡下謂予曰官人赴省試
初場冒子中可用三古字必登高第但幸勿相忘使
妾枯骨早得入土旣覺甚恠之遂用其言果叨前列
近遣人往寺中葬其女矣玉山驚嘆

楊汝南

清漳楊汝南鄉貢試臨安待捷旅邸夜夢有人以油

沃其首驚而悟榜出輒不利如是者三竊恠之紹興
乙丑復與計偕懼其復夢也揭榜之夕招同邸者告
以故益市酒穀明燭張博具相與劇飲期以達旦夜
向闌四壁咸寂有僕曰劉五卧西牖下呻呼如魘亟
振而呼之醒乃具言初以執炙之勦視博方酣幸主
之不呼竊就枕忽有二人者扛油鼎自樓而登執主
人而注之我怒而爭是以魘汝南聞之大慟曰今復
已矣同邸嘆咤爲之罷博榜出報捷焉視榜黯若油
迹振衣拂之油漬其上蓋御史蒞書淡墨以夜倉猝
覆燈盤吏不敢以告也

何文縝

何文縝丞相在太學時與同舍黃生詣日者孫黯問命黯坦衣踞坐何先占既布算黯正襟揖曰命極賤不惟魁天下且位極人臣二人相視笑曰何相侮邪黯愠曰黯老矣薄有生計今諂一秀才其獲幾何命實中格何曰然到何年作狀元曰乙未歲問入相曰不出一紀但有一事絕異君拜相後當死於異域尋常奉使者不過侍從官何由宰相出使殊不可曉耳乙未歲廷試擢第一人後十二年至靖康丙午拜少宰從二帝北狩死於虜悉如黯言

蔡祖洽

邵武俞翁善相術蔡祖洽與邑友上官均遇翁翁曰
狀元榜眼何自來此二人曰寧有是翁曰又同年也
吾爲選一題可預作之二人未信戲曰題目謂何翁
指高竹一束曰當作此二人笑而去熙寧三年廷試
罷詩賦論易以策問祖洽遂首選均次之方悟竹一
束策字也

王文博

奉新王文博名載夢與劉鑄到南昌經江西省署見
放鄉貢進士榜諦視之高懸朱牌十枚上書金字曰

光炫耀不可讀忽一肆卒前白曰第一名南昌熊誼汝居第六遙呼鑄曰爾名亦在後須更有紅英佩刀者十餘人自省中謹而出似相逼逐戰驚寤明發與人言皆大笑當是時大都督朱公鎮南昌于戈方殷謂安有貢舉之事後八年爲洪武庚戌始設科江西四十名額南昌占其十十名中熊誼冠首正符朱牌之數載却在通榜第六鑄居十九及試大廷載又中第二甲第六名一一皆驗